

T 9299

3122

62

新編古今事文類聚卷之二

續集

建安祝穆和父編

人居處部

塔佛大學漢和  
圖書館珍藏印

書目

藏書

古今文集

雜著

三都賦序

左太冲

蓋詩有六義焉其二曰賦揚雄曰詩人之賦麗  
以則班固曰賦者古詩之流也先王採焉以觀  
土風見綠竹猗猗則知衛地淇澳之產見在其  
版屋則知秦地西戎之宅故能居然而辨八方

然相如賦上林而引盧橘夏熟楊雄賦甘泉而  
陳玉樹青葱班固賦西都而歎以出比目張衡  
賦西京而述以游海若假稱珍恠以爲潤色若  
斯之類匪啻于茲考之果木則生非其壤校之  
神物則出非其所於辭則易爲藻飾於義則虛  
而無徵且夫玉卮無當雖寶非用侈言無驗雖  
麗非經而論者莫不詆訐其研精作者大抵舉  
爲憲章積習生常有自來矣余旣思摹二京而  
賦三都其山川城邑則稽之地圖鳥獸草木則  
驗之方志風謠歌舞各附其俗魁梧長者莫非  
其舊何者發言爲詩者諫其所志也升高能賦  
者頌其所見也美物者貴依其本讚事者宜本  
其實匪本匪實覽者奚信且夫任土作貢虞書  
所著辨物居方周易所慎聊舉其一隅攝其體  
統歸諸詁訓焉

蜀都賦

有西蜀君子者言於東吳王孫曰蓋聞天以日  
月爲綱地以四海爲紀九土星分萬國錯峙嶠  
函有帝皇之宅河洛爲王者之里吾子豈亦曾  
聞蜀都之事歟請爲左右揚擢而陳之夫蜀都

者蓋兆基於上世開國於中古廓靈關而為門  
 包玉壘而為宇帶二江之雙流抗峨眉之重阻  
 水陸所湊兼六合而交會焉豐蔚所盛茂八區  
 而菴藹焉於前則跨躡捷悍枕藉交趾經途所  
 亘五千餘里山阜相屬含谿懷谷岡巒糾紛觸  
 石吐雲鬱益分蓋温以翠微巖巍巍以峩峩干  
 青霄而秀出舒丹氣以為霞龍池瀉明角瀑步  
 角灑扶剌其隈漏江伏流瀆其阿汨若湯谷之  
 揚濤沛若濛汜之涌波於是乎邛竹綠嶺菌桂  
 臨崖旁挺龍目側生荔枝布綠葉之萋萋結朱

實之離離迎隆冬而不凋常曄曄而猗猗孔翠  
 羣翔犀象競馳白雉朝雛猩猩夜啼金馬騁光  
 而絕景碧雞條忽而曜儀火井沈熒於幽泉高  
 爛飛煽於天垂其間則有琥珀丹青江珠瑕英  
 金沙銀鑠歷符采彪炳暉麗灼爍於後則却背  
 華容北指崑崙緣以劔閣阻以石門流漢湯湯  
 驚浪雷奔望之天迴即之雲昏水物殊品鱗介  
 異族或藏蛟螭或隱碧玉嘉魚出於丙穴良木  
 攢於褒谷其樹則有木蘭檉桂杞櫛檉桐櫻杼  
 邪檉耕八椶梗頻綿拊幽藹於谷底松栢蒼鬱

於山峯擢脩幹竦長條扇飛雲拂輕霄羲和假  
道於峻岐陽烏迴翼乎高標巢居栖翔聿兼鄧  
林穴宅竒獸窠宿異禽熊羆咆其陽鷓鴣鳩其  
陰援狔騰希而競捷虎豹長嘯而永吟於東則  
左繇巴中百濮所充外負銅梁於宕渠內函要  
害於膏腴其中則有巴菽巴戟靈壽桃枝樊以  
菹租圃賓以鹽池必成蟪山棲龜龜水處潛  
龍蟠於沮澤應鳴鼓而興雨丹沙絕熾出其坂  
蜜房郁毓被其阜山圖道士采而得道赤斧古  
仙者服而不朽若乃剛悍生其方風謠尚其武

奮之則賓叢旅翫之則渝舞銳氣剽於中葉躋  
容世於樂府於西則右挾岷山湧瀆發川陪以  
白狼夷歌成章垌野草昧林麓黜於糾儻叔交  
讓所植蹲鴟所伏百藥灌叢寒卉冬馥異類衆  
夥于何不育其中則有青珠黃環碧砮芒消或  
豐綠萸或蕃丹椒麋蕪布濩於中阿風連筵餘  
戰蔓於蘭臯紅葩紫飾柯葉漸苞敷藥葳蕤落  
英飄颻神農是嘗盧附扁鵲盧夫俞是料聊芳  
追氣邪味蠲癘疢其封域之內則有原隰墳衍  
通望彌博演以潛沫浸以緜洛溝洫脉散疆里

綺錯黍稷油油稷稻莫莫指渠口以為雲門洒  
漑池而為陸澤雖星畢之滂沲尚未齊其膏液  
爾乃邑居隱賑之忍夾江傍山棟宇相望桑梓

接連家有鹽泉之井戶有橘柚之園其園則有

林擒枇杷橙柿鄂亭亭斯桃涵列梅李羅

生百果甲宅音折異色同榮朱櫻春熟素柰夏

成若乃大火流涼風厲列白露凝微霜結紫梨

津潤榛栗罽發蒲桃亂漬石榴競裂甘至自零

芬芳酷烈其園則有藟俱字藟菜萸瓜疇芋區

甘蔗辛薑陽蒞陰敷日往菲薇月來扶踈任土

所麗眾獻而儲其沃瀛則有攢在官蔣叢蒲綠

菱紅蓮雜以蘊藻榛以蘋蘩摠莖柅柅泥葉

蓁蓁蕢實時味王公差焉其中則有鴻儔鵠侶

鴛鴦鸕鶿晨鳧旦至候鴈啣蘆木落南翔冰泮

虬徂雲飛水宿哢吭清渠其深則有白龜命鼈

玄獺上祭鱣鮪鱒魴鯉鯢鯢差鱗次色錦質

銀章躍濤戲瀨中流相忘於是乎金城石郭兼

市中區既麗且崇實號成都闢三九之通門畫

方軌之廣塗營新宮於爽塏擬承明而起廬結

陽城之延閣飛觀榭乎雲中開高軒以臨山列

綺窓而瞰江內則議殿爵堂武威宣化之闈崇  
 禮之闈華闕雙邈重門洞開金鋪交映玉題相  
 暉外則軌躅八達里閑對出比屋連薨千廡萬  
 室亦有甲第當衢向術壇宇顯敞高門納駟庭  
 扣鍾磬堂撫琴瑟匪葛匪姜疇能是恤亞以少  
 城接乎其西市鄜所會萬商之淵列隧百重羅  
 肆巨千賄貨山積纖麗星繁都人士女袷服靚  
 粧賈貿埽貯也鬻舛錯縱橫異物詭譎竒於八方  
 布有幢華麪有枕柳邛杖傳節於大厦之邑筠  
 醬流味於番禺之鄉輿輦雜沓冠帶混并累轂

疊跡叛衍相傾誼譁鼎沸則唯麥江聒宇宙  
 塵張天則埃塏曜靈闌闌之裏伎巧之家百室  
 離房機杼相和貝錦斐成濯色江波黃潤比筒  
 籛金所過侈侈隆富卓鄭埒名公擅山川貨殖  
 私庭藏鏹巨萬鈔音規裂裁木為器曰鈔兼呈亦  
 以財雄翕習邊城三蜀之豪時來時往養交都  
 邑結儔附黨劇談戲論扼腕抵掌出則連騎歸  
 從百兩若其舊俗終冬始春吉日良辰置酒高  
 堂以御嘉賓金壘中坐着核四陳觴以清醪敷  
 沼鮮以紫鱗羽爵執競絲竹乃發巴姬彈絃漢

女擊節起西音於促柱歌江上之飄厲紆長袖  
而屢舞翩躚躚以裔裔合樽促席引滿相罰樂  
飲今夕一醉累月若夫王孫之屬郤公之倫從  
禽于外巷無居人並乘驥子俱服魚文玄黃異  
校結駟續紛西踰金隄東越玉津朔別期晦匪  
日匪旬楚蹈蒙籠涉躑寥廓鷹犬倏睥爵羅絡  
幕毛羣陸離羽族紛泊翕響揮霍中網林薄屠  
麋麋剪旄塵帶文蛇跨雕虎志未騁時欲晚追  
輕翼赴絕遠入彭門之關馳九折之坂經三峽  
之崢嶸躡五岫之蹇澹戟食鐵之獸射噬毒之

鹿白貍珉於萋草彈言鳥於森木拔象齒戾  
結犀角鳥鏃翮獸廢足殆而竭來相與第如滇  
池集乎江洲試水容艤輕舟娉江斐與神游罨  
翡翠釣鯉鮪下高鵠出潛蚪吹洞簫發擢謳感  
鱗尋魚動陽侯騰波沸涌珠貝汜浮若雲漢含  
星而光耀洪流將響獠力召者張帝幕會平原  
酌清醕割芳鮮飲御酣賓旅旋車馬雷駭轟轟  
闐闐若風流雨散漫乎數百里之間斯蓋宅土  
之所安樂觀聽之所踊躍也馬獨三川為世朝  
市若乃卓犖竒譎倣儻罔已一經神恠一緯人



事文類聚續集卷二  
七  
理遠則岷山之精上為井絡天帝運期而會昌  
景福彤嚮而興作碧出長弘之血鳥生杜宇之  
魄妄變化於非常嗟見偉於疇昔近作江漢炳  
靈世載其英蔚若相如疇若君平王褒曄曄而  
秀發揚雄含章而挺生幽思絢道德摘藻挾天  
庭考四海而為雋當中葉而擅名是故游談者  
以為譽造作者以為程也至乎臨谷為塞因山  
為障峻岨塍埒長城豁險吞若巨防一人守隘  
萬夫莫向公孫躍馬而稱帝劉宗下輦而自王  
由此言之天下孰尚故雖兼諸夏之富有猶未  
若茲都之無量也

吳都賦

左太冲

東吳王孫鞮然而哈曰夫上圖景宿辨於天文  
者也下料物土析於地理者也古先帝世曾覽  
八紘之洪緒一六合而光宅翔集遐宇鳥策篆  
素玉牒石記烏聞梁岷有陟方之館行宮之基  
歟而吾子言蜀都之富禺同之有偉其區域美  
其林藪矜巴漢之阻則以為襲險之右徇蹲鴟  
之沃則以為世濟陽九齷齪而筭固亦曲士之  
所歎也旁魄蒲傳而論都邑抑非大人之所壯

觀也何則土壤不足以攝生山川不足以周衛  
公孫國之而破諸葛家之而滅茲乃喪亂之丘  
墟顛覆之軌轍安可以儷王公而著風烈也翫  
其磧礫而不窺玉淵者未知驪龍之所蟠也習  
其敝邑而不覲上邦者未知英雄之所躔也子  
獨未聞大吳之巨麗乎且有吳之開國也造自  
太伯宣於延陵蓋端委之所彰高節之所興建  
至德而創洪業世無德而顯稱由克讓以立風  
輕脫躡於千乘若率土而論都則非列國之所  
觖望也故其經略上當星紀拓上畫疆卓犖兼

弁包括千越跨躡蠻荆婺女寄其曜翼軫寓其  
精拍衡嶽以鎮野目龍川而帶垵爾其山澤則

鬼

五回

疑

魚力

嶢

五聊

光

五骨

嬰

烏鼎

溟

莫鼎

鬱峴瀆漉泮汗滇田泐汚森渺漫或涌川而開

瀆或吞江而納漢魄魄魄漉漉泚泚礧礧乎

數州之間灌注乎天下之半百川派別歸海而

會控清引濁混濤并瀨瀆薄沸騰寂寥長邁渾

焉洶洶隱若磕磕苦蓋出乎大荒之中行乎東

極之外經扶桑之中林包暘谷之滂沛潮波汨

于筆起迴復萬里歎霧逢淳雲蒸昏昧泓澄齋

於旻溱於權頽胡貢溶余腫沆瀣余兩莫測其  
 深莫究其廣澶沽漠而無涯惚有流而為長環  
 異之所叢育鱗甲之所集往於是乎長鯨吞航  
 脩鯢吐浪躍龍騰蛇蛟鯢緇琵琶王鮪鯨鮐怡  
 鯽印龜鱉翻鰐錯烏賊擁劔龜古侯鼈辟鯖鱈  
 涵泳乎其中葺鱗鱗甲詭類舛錯沂泗順流唵  
 宜檢喁魚恭沉浮鳥則鷓鴣鴉屬鴉玉鸛鵠鷺  
 鴻鷄鷓避風候鴈造江鷄鷺鷓鷓鷓鷓鷓鷓  
 鷓鷓鷓泛濫乎其上湛淡羽儀隨波參差理翮  
 整翰容與自沉彫啄蔓藻刷盪漪瀾魚鳥聲魚

取魚乙萬物蠢生芒芒黠黠許意慌呼廣罔  
 奄歛許勿神化翕忽函幽育明窮性極形盈虛  
 自然蚌蛤珠胎與月虧全巨鼈備負許器首  
 冠去靈山大鵬續翻翼若垂天振盪汪流雷柝  
 重淵殷上動宇宙胡可勝源島嶼縣邈洲渚憑  
 隆曠瞻迢遞迥眺冥蒙珍怪麗竒隙充徑路絕  
 風雲通紅桃屈盤丹桂灌叢瓊枝抗莖而敷藻  
 珊瑚幽茂而玲瓏層岡重阻列真之宇玉堂對  
 雷石室相距藹藹翠幄嫋嫋素女江婁於是往  
 來海童於是宴語斯寔神妙之饗家嗟難得而

觀魯和縷爾乃地勢塊鳥頭北鳥黠卉木馭鳥  
老蔓遭藪爲圃值林爲苑異荂苦華蒞敷藟育  
夏擘冬蒨方志所辨中州所羨草則藿納豆菹  
薑彙非一江離之屬海苔之類綸關組紫絳食  
葛香茅莫侯石帆水松東風扶留布護臯澤蟬  
聯陵丘黃緣山嶽之岳竄歷江海之流杙白帶  
銜朱豨鬱芳菴茂擘芳菲菲光色炫晃芬馥眇  
嚶織貢納其色既離騷詠其宿莽木則楓柙豫  
章楸欄枸古侯栝絲抗柁櫨文檉楨檀平仲君  
遷松梓古度楠榴之木相思之樹宗生高岡族

茂幽阜擢本千尋垂蔭萬畝攢柯架莖重葩掩  
葉輪囷虬蟠埴楚立塊除立鱗接榮色雜揉綢  
繆縟繡宵露灑霽旭日晦烏感時蒲對與風颺  
颺漾颺於西瀏上颺颺鳴條律暢飛音響亮蓋  
象琴筑并奏笙竽俱唱其上則有猿父哀吟獬  
胡昆子長嘯狔鼯裸然騰趨勅教飛超勅小爭  
縣接垂競游遠枝驚透沸亂宰落暈散其下則  
有臯羊麇狼獾獠象於菟之族犀兕之黨鈎  
爪鋸牙自成鋒穎精若曜星聲若雷霆名載於  
山經形鏤於夏鼎其竹則簣管林筴桂箭射筒

柚由梧有篁篔於妙筭勞有叢苞筍抽節往往  
 縈結綠葉翠莖冒霜停雪櫛所六矗蓄森萃翦  
 茸並上蕭瑟檀欒嬋娟玉潤碧鮮梢雲無以踰  
 嶰谷弗能連鸞鷲食其實鷓鴣擾其間其果則  
 丹橘餘甘荔枝之林檎榔無柯椰葉無蔭龍眼  
 橄欖探市詹榴禦霜結根比景之陰列挺衡山  
 之陽素花斐丹秀芳臨青壁係紫房鷓鴣南翥  
 而中留孔雀綵祖會羽而翱翔山雞歸飛而來  
 棲翡翠列巢以重行其琛賂則琨瑤之阜銅錯  
 之垠火齊之寶駭雞之珍頡丹明璣金華銀樸

紫目流黃縹碧素玉隱賑之忍歲鳥年襲懷雜  
 挿幽屏必井精曜潛穎砉勃列侈直氏山谷碕  
 匪岸為之不枯林木為之潤黷隋侯於是鄙其  
 夜光宋玉於是陋其結綠其荒陬譎詭則有龍  
 穴內蒸雲雨所儲陵鯉若獸浮石若桴雙則比  
 目片則王餘窮陸飲木極沈水居泉室潛織而  
 卷綃淵客慷慨而泣珠開北戶以向日齊南冥  
 於幽都其四野則吟啜綴無數膏腴兼倍原隰  
 殊品宏隆異等都改象耕鳥耘此之自與改穡  
 側角秀菰穗於是乎在蒼海為鹽採山鑄錢國

稅再熟之稻鄉貢八蚕之絲徒觀其郊隧之內  
與都邑之網紀霸王之所根祇開國之所基址  
郭郭周匝重城結隅通門二八水道陸衢所以  
經始用累千祀也憲紫宮以營室廊廣庭之漫  
漫寒暑隔闕於邃宇虹霓迴帶於雲館所以跨  
時煥炳萬里也造姑蘇之高臺臨四遠而特建  
帶朝夕之濬池佩長洲之茂苑窺東山之府則  
瓌寶溢目觀史海陵之倉則紅粟流衍起寢廟  
於武昌作離宮於建業闡闔閭之所營采夫差  
之遺法抗神龍之華殿施榮楯而捷獵崇臨海

之崔嵬飾赤鳥之曄曄東西膠轄南北崢嶸戶  
櫳對擴連閣相經闔闔譎詭異出奇名左稱彎  
崎右號臨研雕樂鏤案青瑣丹楹圖以雲氣畫  
以仙靈雖茲宅之誇麗曾未足以少寧思比屋  
於傾宮畢結瑤而構瓊高闈有閔洞門方軌朱  
闕雙立馳道如砥樹以青槐亘以綠水玄陰耽  
耽清流疊疊列寺七里狹棟陽路屯營櫛比廡  
署棊布橫塘查下邑屋隆夸固長干延屬飛甍  
舛互其居則有高門鼎貴魁岸豪桀虞魏之昆  
顧陸之裔岐嶷繼體老成奕世躍馬疊跡朱輪

累轍陳兵而歸蘭綺軾內設冠蓋雲蔭間闐  
 噓其隣則有任俠之靡輕紗眇同之客締交翩  
 翩儻從並去弈弈出躡珠履動以千百里讌巷  
 飲飛觴舉白翹關扛鼎抃射壺博鄙陽暴謔中  
 酒而作於是樂只術而歡飲無匱都簞殷而四  
 輿來暨水浮陸行方舟結駟唱棹轉轂昧旦永  
 日開市朝而普納橫闌闐而流溢混品物而同  
 塵并都鄙而為一士女佇貽勅吏工賈古駢望  
 蒲必縛衣締服雜沓從先勇萃輕輿按轡以經  
 隧樓船舉颿而過肆果布輻湊而常然致遠流

離與珂珮音邃果橘抽布絺紵流離珂珮皆寶

名縹捷賄紛紜器用萬端金溢磊珂珠琲補對  
 闌干挑笙象簞韜於筒中蕉葛升越皆布名弱  
 於羅紈澀喜除立舉胡巧僂力巧交貿相競誼  
 譁惶呼橫呶呼甲芬葩蔭映揮袖風飄而紅塵  
 晝昏流汗霖霖而中達泥濘富中之忙貨殖之  
 選乘時射利財豐鉅萬競其區宇則并疆兼巷  
 矜其宴居則珠服玉饌趨材悍壯此焉比廬捷  
 若慶忌勇若專諸危冠而出竦劔而趨扈帶鮫  
 函扶揄屬鏤問藏於人去戲自問家有鶴膝

戶有犀渠軍容蓄用器械兼儲吳鉤越棘純鈎  
 湛盧戎車盈於石城戈船撩於江湖露往霜來  
 日月其除草木節解鳥獸脂膚觀鷹隼誠征夫  
 坐組甲建祀姑命官帥而擁鐸將校獵乎具區  
 烏土滸狼觥夫南而屠儋耳黑齒之酋金鄰象  
 郡之渠馬鷓必由駢許聿風香幽商鞞雲驚捷先  
 驅前途俞騎騁路指南司方出車輦輦檻被練  
 鏘鏘吳王乃中玉輅輶驕驕旗魚須常重光攝  
 烏號佩干將羽毛揚旌雄戟耀鉉貝冑象弭織  
 文鳥章六軍袍服四駢龍驤峭格周施罩爵普

張畢罕瑣結畏蹠連網陔以九疑禦以沅湘輜  
 軒蓼擾設騎焜煌袒裼徒搏拔距投石之部援  
 臂駢脅狂趨子曜獷古猛狻季鷹麟鷓視參  
 譚力答礫徒答若離若合者相與騰躍乎莽  
 冢之野于鹵爰殊鉦蟬暘夷勃盧之旅長殺呼  
 覲短兵直髮馳騁僂佻他弔全步寸並銜枚無  
 聲悠悠旆旌者相與聊浪郎乎昧莫之垆鉦鼓  
 疊山火烈慄必遙林飛爛浮煙載霞載陰菘魯  
 答攏雷礮郎崩巒施岑鳥不擇木獸不擇音暴  
 魃胡甘鼈式六纁司禹麋麋騫六駮追飛生彈



鸞鵠射孫狴庭白雉落黑鳩零陵絕嶠秦嶠茲  
 遙聿越嶢嶮趾勅曳踰竹栢獮連豚耻緣杞柅  
 而占封豨虛已菴呼角神螭掩剛鏃潤霜刃染  
 於是弭節頓轡齊鑣駐蹕徘徊倘佯寓目幽蔚  
 覽將帥之拳勇與士卒之抑揚羽族以觜距為  
 刀鉞披毛羣以齒角為矛鈇古葉皆體著池畧  
 而應卒倉忽所以挂扞右紇而為創痍衝蹕慈  
 聿而斷筋骨莫不劬女六銳挫鏗拉捍北買摧  
 藏雖有石林之峯噴嶧額請攘臂而靡之雖有  
 雄虺之九首將抗足以趾之顛覆巢居剖穴窟

宅仰攀鷓鷯俯蹴豺獾陌剗剗剖几熊羆之室  
 剽上掠虎豹之落猩猩啼而就擒萬萬扶拂笑  
 而被格屠巴蛇出象骼斬鵬翼掩廣澤輕禽狡  
 獸周章夷猶狼跋乎紕中忘其所以眩失冉暘  
 適失其所以去就蒐禡氣懾而自踴唐跋蒲北  
 者應弦而飲羽形僨景僵者累積而增益雜襲  
 錯繆傾藪薄倒岬峽岫巖穴無紆縱翳蒼蕪麋  
 鷄力幼思假道於豐隆披重霄而高狩籠烏兔  
 於日月窮飛走之棲宿懈澗闐入岡岵童罽罟  
 滿效獲衆終迴靶乎行睨魚計觀漁乎三江汎

舟航於彭蠡渾故本萬艘而既同弘舸連軸巨  
 檻接艦飛雲蓋海制非常模疊華樓而島峙時  
 髣髴於方壺比鷁首之有裕邁舳舻於往初張  
 組帷構流蘇開軒幌鏡水區篙工楫師選自閩  
 禺習御長風狎翫靈胥責千里於寸陰聊先期  
 而湏臾擢謳唱簫籟鳴洪流響渚禽驚弋磻放  
 稽鷓鴣虞機發留鳩鵲鈎餌縱橫網罟接緒術  
 兼詹公巧傾任父筌鮠巨鱠莫贈鱣所買鱖鯊  
 罩兩鮪翼鯧鰕乘鱖鼉鼉同眾孤共羅沈虎潛  
 鹿馬繫籠籠倨墮束徽暉鯨背中於羣獐古邁

撓槍暴出而相屬雖復臨河而釣鯉無異射鮒  
 於井谷結輕舟而競逐迎潮水而振緡想萍實  
 之復形訪靈夔於鮫人精衛銜石而遇繳文鯨  
 夜飛而觸綸北山亡其翔翼西海失其游鱗雕  
 題之士鏤身之卒比飾虬龍蛟螭與對簡其華  
 質則意費巴貴錦績音會料遼其虓勇則鷗  
 悍狼戾相與昧潜險搜環竒摸瑋瑁捫觜子規  
 螭携剖巨蚌於回淵濯明月於漣漪畢天下之  
 至異訖無索而不臻谿壑為之一罄川瀆為之  
 中去貧晒澹臺之見謀聊襲海而徇珍載漢女

於後舟追晉賈而同塵汨呼筆乘流以碎普萌  
宕徒浪翼颶風之颶颶直衝濤而上瀨常沛沛  
以悠悠汔虛乙可休而凱歸揖天吳與陽侯指  
包山而爲期集洞庭而淹留數軍實乎桂林之  
苑饗戎旅乎落星之樓置酒若淮泗積肴若山  
丘飛輕軒而酌綠醕方雙轡而賦珍羞飲烽起  
酌子曜鼓震真士遺倦衆懷忻幸乎館娃之宮  
張女樂而娛羣臣羅金石與絲竹若鈞天之下  
陳登東歌操南音胤陽阿詠韎任荆豔楚舞吳  
愉越吟翕習容裔靡靡愔愔若此者與夫唱和

之隆響動鍾磬之鏗鉤有殷坻頽於前曲度難  
勝皆與謠俗互協律呂相應其奏樂也則木石  
潤色其吐哀也則淒風暴興或超延露而駕辯  
或踰綠水而採菱軍馬弭髦而仰秣淵魚竦鱗  
而上升酣滑半八音并歡情留良辰征魯陽揮  
戈而高麾迴聊靈於太清將轉西日而再中齊  
既往之精誠昔者夏后氏斬羣臣於茲土而執  
玉帛者以萬國蓋亦先王之所高會而四方之  
所軌則春秋之際要盟之主闔閭申其威夫差  
窮其武內果伍員之謀外騁孫子之奇勝彊楚

於栢舉棲勁越於會稽闕掘溝乎商魯爭長於  
 黃池以江湖嶮陂秘物產殷充繞雷未足言其  
 固鄭白未足語其豐士有陷堅之銳俗有節概  
 之風睚五賣毗土介則挺劍喑陰鳴鳥故則彎  
 弓擁之者龍騰據之者虎視麾城若振槁塞旗  
 若顧指雖帶申一朝而元功遠致雖累葉百疊  
 而富疆相繼樂滑衍其方域列仙集其土地桂  
 父練形而易色赤須蟬蛻而附麗中夏比焉畢  
 世罕見丹青圖其象珍瑋貴其寶利也舜禹游  
 焉沒齒而忘歸精靈留其山阿翫其竒麗剖判

庶士商摧萬俗國有鬱鞅而顯敞邦有湫子小  
 阿烏介而蹠跼伊茲都之函弘傾神州而韞積  
 仰南斗以斟酌兼二儀之優渥由此而揆之西  
 蜀之於東吳小大之相絕也亦猶棘林螢燿而  
 與夫尋木龍燭也否泰之相背也亦猶蒂之懸  
 解而與夫桎梏疏屬也庸可共世而論巨細同  
 年而議豐确乎暨其幽遐獨邃寥廓閑奧耳目  
 之所不該足趾之所不蹈侗儻之極異巖詭之  
 殊事藏理於終古而未寤於前覺也若吾子之  
 所傳孟浪之遺言略舉其梗概而未得其要妙

也

魏都賦

左太冲

魏國先生有睟其容乃盱衡而誥曰异乎交益之士蓋音有楚夏者土風之乖也情有險易者習俗之殊也雖則生常固非自得之謂也昔市南宜僚弄丸而兩家之難解聊為吾子復翫德音以釋二客競于辨囿也夫泰極剖判造化權輿林兼晝夜理包清濁流而為江海結而為山嶽列宿分其野荒裔帶其隅岩崗潭淵限蠻隔夷峻危之竅也變陬夷落譯導而通者鳥獸之

氓也正位居體者以中夏為喉舌不以邊陲為襟帶也長世字眊者以道德為藩不以襲險為屏也而子大夫之賢尚弗曾庶翼等威附麗皇極思稟正朔樂率貢職而徒務於詭隨匪民宴安於絕域榮其文身驕其險棘繆默語之常倫牽膠言而踰侈飾乖離以矜然假屈疆而攘臂非醇粹之方壯謀踳駁於王義孰愈尋靡滢於中逵造沐猴於棘刺劔閣雖嶮憑之者蹶非所以深根固蒂也洞庭雖濬負之者比非所以愛人治國也彼桑榆之末光踰長庚之初暉况河

其陸內之  
二張為三  
法

冀之爽塏與江介之湫湄故將語子以神州之  
略赤縣之畿魏都之卓犖六合之樞機于時運  
距陽九漢網絕維奸回內鼎兵纏紫微翼翼京  
室耽耽帝宇巢焚原燎變為煨燼故荆棘旅庭  
殷殷寰內繩繩八區鋒鏑縱橫化為戰場故麋  
鹿寓城也伊洛榛曠嶠函荒蕪臨蓄牢落鄢郢  
丘墟而是有魏開國之日締構之初萬邑譬焉  
亦猶犖昌由麋之與子都培塿之與方壺也且  
魏土者畢昴之所應虞夏之餘人先王之桑梓  
列聖之遺塵考之四隈則八埏之中測之寒暑

重  
一  
浩

氓也正位居體者以中夏為喉舌不以邊陲為  
襟帶也長世字眊者以道德為藩不以襲險為  
屏也而子大夫之賢尚弗曾庶翼等威附麗皇  
極思稟正朔樂率貢職而徒務於詭隨匪民宴  
安於絕域榮其文身驕其險棘繆默語之常倫  
牽膠言而踰侈飾乖離以矜然假倔疆而攘臂  
非醇粹之方壯謀踳駁於王義孰愈尋靡滌於  
中達造沐猴於棘刺劒閣雖嶮憑之者蹶非所  
以深根固蒂也洞庭雖濬負之者比非所以愛  
人治國也彼桑榆之末光踰長庚之初暉况河

冀之爽塏與江介之湫湄故將語子以神州之  
略赤縣之畿魏都之卓犖六合之樞機于時運  
距陽九漢網絕維奸回內鼎兵纏紫微翼翼京  
室耽耽帝宇巢焚原燎變為煨燼故荆棘旅庭  
殷殷寰內繩繩八區鋒鏑縱橫化為戰場故麋  
鹿寓城也伊洛榛曠峭函荒蕪臨菑牢落鄆郢  
丘墟而是有魏開國之日締構之初萬邑壁焉  
亦猶犖昌由康之與子都培塿之與方壺也且  
魏土者畢昴之所應虞夏之餘人先王之桑梓  
列聖之遺塵考之四隈則八埏之中測之寒暑

則霜露所鈞卜偃前識而賞其隆吳札聽歌而  
美其風雖則衰代而盛德形於管絃雖踰千祀  
而懷舊蘊於遐年爾其疆域則旁極齊秦結湊  
冀道開胷殷衛跨躡燕趙山林幽峽烏朗川澤  
迴繚恒碣碁五感碣五各於青霄河汾浩泚而  
皓漾渺南瞻淇澳則綠竹純茂北臨漳滏父則  
冬夏異沼神鉦迢遞於高巒靈響時驚於四表  
溫泉溢涌而自浪華清蕩邪而難老墨井鹽池  
玄滋素液厥田惟中厥壤惟白原隰昞昞墳衍  
斥斥或嵬烏罪累力罪而復陸或尪苦廣助而

拓落乾坤交泰而烟煜嘉祥微顯而豫作是以  
兆朕振古萌祗帝疇昔藏氣識緯閱象竹帛迥  
時世而淵默應期運而光赫暨聖武之龍飛肇  
受命而光宅爰初自臻言占其良謀龜謀筮亦  
既允臧脩其郭郭繕其城隍經始之制牢籠百  
王盡雍豫之居寫八都之宇鑿茅茨於陶唐察  
卑宮於夏禹古公草創而高門有閔苦浪宣王  
中興而築室百堵兼聖哲之軌并文質之狀商  
豐約而折中去准當年而爲量思重文摹大壯  
覽荀卿采蕭相儔子鬻拱木於林衡授全模於

梓匠遐邇通悅豫而子來工徒擬議而騁巧闡鈞  
繩之筌緒承二分之正要揆日晷考星耀建社  
稷作清廟築曾宮以迴匝比岡隳魚檢而無陂  
造文昌之廣殿極棟宇之弘規對若崇山崑起  
崔嵬髡若玄雲舒蜺以高垂瓌材巨世埽楚立  
塹除立參差粉椽復結欒櫨疊施丹梁虹申以  
並亘朱楠森布而支離綺井列疏以懸帶華蓮  
重葩而倒披齊龍首而涌雷時梗概於泥池旅  
楹閑列暉鑒披鳥浪振章人棖題黠黠階隋嶙  
峴長庭砥平鍾簾夾陳風無纖埃兩無微津巖



巖北闕南端攸遵竦峭雙碣方駕比輪西闕延  
秋東啓長春用覲羣后觀享願賓左則中朝有  
絕聽政作寢匪撲匪斲去泰去甚木無彫鏤土  
無締錦玄化所甄國風所稟於前則宣明顯陽  
順德崇禮重闈洞出鏘鏘濟濟珍樹猗猗竒卉  
萋萋蕙風如薰甘露如醴禁臺省中連闈對廊  
直事所繇典刑所藏藹藹列侍金螭齊光詰朝  
陪幄納言有章亞以柱後執法內傳符節謁者  
典璽儲吏膳夫有官藥劑有司肴醑音亦順時  
腠理則治於後則椒鶴文石永巷壺術楸梓木

蘭次舍甲乙西南有戶成之匪日丹青炳煥特  
有溫室儀彤宇宙曆象賢聖圖以百瑞綵補對  
以藻詠茫茫終古此焉則鏡有虞作績茲亦等  
競右則踈圃曲池下畹高堂蘭渚莓莓石瀨湯  
湯弱菟子公係實輕葉振芳奔龜躍魚有睠千  
麗呂梁馳道周屈於果下延閣胤宇以經營飛  
陛方輦而徑西三臺列峙而崢嶸亢陽臺於陰  
基擬華山之削成上累棟而重雷下冰室而洹  
冥周軒中天丹墀臨茲增構峩峩清塵影影雲  
雀躡砥蕘而矯首壯翼摘鏤於青霄雷雨窈冥

而未半皦日籠光於綺寮習步頓以升降御春  
服而道遙八極可圍於寸眸萬物可齊於一朝  
長塗牟首豪徼去互經畧漏蕭唱明宵有程附  
以蘭錡武庫也宿以禁兵司衛閑邪鈎陳罔驚  
於是崇墉濬洫嬰堞帶浹四門轆轤魚竭隆厦  
重起憑太清以混成越埃壻於蓋而資始邈邈  
標危亭亭峻峙臨焦原而弗怵誰勁捷而無猓  
胥埋與岡岑而永固非有期乎世紀陽靈停曜  
於其表陰祗濛霧於其裏苑以玄武陪以幽林  
繚垣開囿觀宇相臨碩果灌叢圍木竦尋篁篠

懷風蒲桃結陰回淵灌積水深蒹葭鬢胡犬羸  
弱森丹藕凌波而的礫綠芰泛濤而浸潭以心  
羽翮頡頏鱗介浮沉栖者擇木雒者擇音若咆  
渤澥與姑餘常鳴鶴而在陰表清籟勒虞箴思  
國卹忘從禽樵蘇往而無忌即庶縱而匪禁腠  
腠莫回垆野奕奕菑畝甘荼伊蠢芒種斯阜西  
門漑其前史起灌其後澄流十二同源異口蓄  
爲屯雲泄爲行雨水澍之豎稷徐陸蔣稷黍黝  
黝一柳桑柘油油麻紵均田畫疇蕃廬錯列薑  
芋充茂桃李蔭翳咽家安其所而服美自悅邑

屋相望而隔踰奕世內則街衢輻湊朱闕結隅  
 石杠飛梁出控漳渠疏通溝以濱路羅青槐以  
 蔭塗比滄浪而可濯方步欄而有踰習習冠蓋  
 莘莘烝徒斑白不提行旅讓衢設官分職營處  
 署居夾之以府寺班之以里閭其府寺則位副  
 三事官踰六卿太常之號大理之名厦屋一揆  
 華屏齊榮肅肅階闕許亮重門再扃師尹爰止  
 毗世作禎其閭閻則長壽吉陽永平思忠亦有  
 戚里真宮之東開出長者巷苞諸公都護之堂  
 殿居綺窻輿騎朝猥蹀敔古毀其中營客館以

周坊飾賓侶之所集瑋豐樓之閉閱起建安而  
 首立葺牆幕室房廡雜襲剝居倚刷居衛罔掇  
 匠斲積習廣成之傳無以儔橐街之邸不能及  
 廓三市而開廛籍平達而九達班列肆以兼羅  
 設闕闐以襟帶濟有無之常偏距日中而畢會  
 抗旗亭之曉薛侈所眺之博大百隧轂擊連軫  
 萬貫憑軾捶馬袖幕紛半一八方而混同極風  
 采之異觀質劑平而交易刀布貿而無筭財以  
 工化賄以商通難得之貨此則不容器周用而  
 長務物背窳庾而就攻不嚮邪而豫賈古著馴

致之醇醲白藏平之藏去富有無隄同賑大內  
控引世資實叢稼稼積滯徒結探幣充物勿關  
石之所和鈞財賦之所底慎燕弧盈庫而委勁  
奠馬填瘡而駟駿至乎勃大也敵紀紛庶土罔  
寧聖武興言將曜威靈介胄重襲旌旗躍莖弓  
珣余招解繁矛鋌飄英三屬之甲縵莫韓胡之  
纓控弦簡發妙擬更平羸齊被練而銛戈襲偏  
黎都祿以讀會列畢出征而中律執竒正以四  
伐碩畫精通自無匪制推鋒積紀銜氣彌銳三  
接三捷旣晝亦月剋剪方命吞滅咆哮休雲撤

叛換席卷虔劉侵子鳩威八紘荒阻率由洗兵

海島刷馬江洲振旅鞬鞬田反旆悠悠凱歸同

飲疏爵普疇朝無利印國無費留喪亂旣弭而

能宴武人歸獸而去戰蕭斧越斧也戢柯以押

刃虹旌攝麾以就卷斟洪範酌典憲觀所恒通

其變上垂拱而司契下緣督而自勸道來斯貴

利往則賤囹圄寂寥京庾流行於是東鯁啼即

序西傾順軌荆南懷懋朔北思違縣縣迥塗驟

山驟水襁負賫贄重譯貢篚髻則瓜首之豪鏐

渠耳之傑服其荒服歛衽魏闕置酒文昌高張

宿設其夜未遽庭燎晰晰支列有客祁祁載華  
 載裔入岌岌冠緹所綺纍纍辨髮清醑如濟濁  
 醪如河凍醴流澌温酌躍波豐肴衍衍行庖嗜  
 嗜悒悒醜讌酣滑無譁延廣樂奏九成冠韶夏  
 冒六英五莖僧響起疑震霆天宇駭地廬驚億  
 若大帝之所興作二羸之所曾聆金石絲竹之  
 恒韻匏土革木之常調干戚羽旄之飾好去清  
 謳微吟之要妙世業之所日用耳目之所聞覺  
 雜揉紛錯兼該汜博鞞都泥鞵居遇所掌之音  
 韎邁昧任而金禁金之曲以娛四夷之君以睦

八荒之俗既苗既狩爰遊爰豫籍田以禮動大  
 閱以義舉備法駕理秋御顯文武之壯觀邁梁  
 騶之所著林不槎枿澤不伐天鳥老斧斨以時  
 罾網以道德連木理仁挺芝草皓獸為之育藪  
 丹魚為之生沼喬聿雲翔龍澤馬于耻錄阜山  
 圖其石川形其寶莫黑匪鳥三趾而來儀莫赤  
 匪狐九尾而自擾嘉頴離合以尊尊醴泉涌流  
 而浩浩顯禎祥以曲成固觸物而兼造蓋亦明  
 靈之所酬酢休徵之所偉兆攸攸美貧率土遷  
 善罔匱沐浴福應宅心醴徒南粹餘糧栖畝而

弗收頌聲載路而洋溢河洛開奧符命用出翻  
翻黃鳥銜書來訊人謀所尊鬼謀所秩劉宗委  
馭異其神器闕玉策於金縢案圖錄於石室考  
歷數之所在察五德之所莅量寸徇消吉日陟  
中壇即帝位改正朔易服色繼絕世脩廢職徽  
幟以變器械以革顯仁翌明藏用玄默菲言厚  
行陶化染學讎校篆籀篇章畢覲優賢著於揚  
歷匪彙形於親戚本枝別幹蕃屏皇家勇若任  
城才若東阿抗旂則威噉驗秋霜搗翰則華縱  
春葩英喆雄豪佐命帝室相兼二八將猛四七

赫赫震震開務有謚故令斯民覩泰之平可比  
屋而爲一筭祀有紀天祿有終傳業禪祚高謝  
萬邦皇恩綽矣帝德冲矣讓其天下臣至公矣  
榮操行之獨得超百王之庸庸追亘卷領與結  
繩睠留重華而比蹤尊盧赫胥羲農有熊雖自  
以爲道洪化以爲隆世篤玄同奚遽不能與之  
踵武而齊其風是故料聊其建國析其法度諮  
其考室議其舉厝復之而無斁申之而有裕非  
疏糲之士所能精非鄙俚之言所能具至於山  
川之倬詭物產之魁殊或名竒而見稱或實異

而可書生生之所常厚洵美之所不渝其中則  
有鴛鴦交谷虎澗龍山掘鯉之淀覲見蓋節之  
淵砥砥祈精衛街木償怨冤常山平于鉅鹿河  
間列真非一往往出焉昌容練色犢配眉連玄  
俗無影木羽偶仙琴高沈水而不濡時乘赤鯉  
而周旋師門使火以驗術故將去而林燔易陽  
壯容衛之稚質邯鄲躡步趙之鳴瑟真定之梨  
故安之栗醇耐中山流酒千日淇汨之筍信都  
之棗雍丘之梁清流之稻錦繡襄邑羅綺朝歌  
絲纈房子縑總清河若此之屬繁富夥够苦侯

反非可單究是以抑而未聲也蓋比物以錯辭  
述清都之閑麗雖選言以簡章徒九復而遺旨  
覽大易與春秋判殊隱而一致末上林之墮牆  
本前脩以作系其軍容弗犯信伸其果毅糾華  
綏戎以戴公室元勳配管敬之績歌鐘析邦君  
之肆則魏絳之賢有令聞也閑居隘巷室適心  
遐富仁寵義職競弗羅千乘為之軾廬諸侯為  
之止戈則干木之德自解紛也貴非吾尊重士  
踰山親御監門謙謙同軒搦秦起趙威振八蕃  
則信陵之名若蘭芬也英辯榮枯能濟其厄位

加將相窒隙之策四海齊鋒一口所敵則張儀  
張祿亦足云也推惟庸蜀與鷓鴣同窠句古侯  
吳與鼃鼃同穴一自以爲禽鳥一自以爲魚鱉  
山阜猥積而崎嶇泉流迸集而呖咽隰壤截所  
諸漏而沮洳林藪石留力又而蕪穢窮岫泄雲  
日月恒翳宅土焯許驕暑封疆障厲蔡莽螫赤  
刺力割昆蟲毒噬漢罪流禦秦餘徒芻力制肖  
貌最陋稟質蓮脆巷無杼首里罕耆耄或魑直  
追髻而左言或鏤膚而鑽髮或明發而耀徒召  
歌或浮冰而卒歲風俗以墜而界慄果爲媿畫

人物以殘害爲藝威儀所不攝憲章所不綴由  
重山之東阨因長川之裾勢距遠關以闕閼時  
高櫟而陞制薄戍緜冪無異蛛蝥之網弱卒瑣  
甲無異螳螂之衛與先代而常然雖信險而勦  
絕揆既往之前跡即將來之後轍成都迄已傾  
覆建業則亦顛沛顧非累郊於疊棊焉至觀形  
而懷怛權假目以餘榮比朝華而菴藹覽麥秀  
與黍離可作謠於吳會先生之言未卒吳蜀二  
客矍然相顧睒焉失所有覲曹容神藻形茹弛  
氣離坐悞墨而謝曰僕黨清狂休迫閩濮習蓼



蟲之忘辛翫進退之惟谷非常寐而無覺不覩  
皇輿之軌躅過以汎剽之單惠歷執古之醇聽  
兼重性以貽繆偁辰光而罔定先生玄識深頌  
靡測得聞上德之至盛匪同憂於有聖抑若春  
霆發響而驚蟄飛競潛龍浮景而幽泉高鏡雖  
星有風雨之好人有異同之性庶覲部蒙與剝  
廬非蘇世而居政且夫寒谷豐黍吹律以暖之  
也昏情爽曙箴規以顯之也雖明珠兼寸尺璧  
有盈曜車二六三傾五城未若申錫典章之爲  
遠也亮曰日不雙麗世無兩帝天經地緯理有

大歸安得齊給守其小辯也哉

汴都賦

周邦彥

臣邦彥頓首再拜曰自古受命之君多都於鎬  
京或在洛邑惟梁都於宣武號爲東都所謂汴  
州也後周因之乃名爲京周之叔世統微政缺  
天命蕩杭歸我有 宋民之戴 宋厥惟固哉  
奉迎鸞輿至汴而止是爲東京 六聖傳繼保  
世滋大無內無外涵養如一含牙帶角莫不得  
所而此汴都高顯宏麗百美所具億千萬世承  
學之臣弗能究宣無以爲稱伊彼三國割據方

隅區區之霸言餘事之而三都之賦磊落可駭  
人到于今稱之矧皇居天府而有遺美可不愧  
哉謹拜手稽首獻賦曰

發微子客游四方無所適從既倦游迺崎嶇遭  
迴造於中都觀土木之妙冠蓋之富煒燁煥爛  
心駭神悸暝許役嗒呼郭而不敢進於是夷猶  
於通衢彷徨不知所屆適遭衍流先生目而招  
之執其祛局局然歎曰觀子之貌神采不定狀  
若失守豈非蔽席隱茅未游乎廣廈誅草鉏棘  
未擷乎蘭葭舒列披褐挾蘊未曳乎綺縠微邦

陋邑未覩乎雄藩大都者乎發微子媿胡括反  
覲也然有赧色曰臣翱翔乎天下東欲究扶桑  
西欲窮虞淵南欲盡反戶北欲徹幽都所謂天  
子之都則未嘗歷焉今先生訊我誠有是也然  
觀先生類辯士其言似能碎崑崙而結溟渤鏤  
混沌而形罔象試移此辯原此汴都可乎臣固  
不敏謹願承教先生笑曰客知我哉於是申喙  
據牀虛徐而言曰噫子獨不聞之歟今天下混  
一四海為家令走絕徼地掩鬼區惟是日月所  
會陰陽之中據要總殊揭鍵制樞拱衛環周共

安乘輿而此汴都禹畫爲豫周封鄭地紫鵠臨  
而上直實沈分以爲次惟蓬澤之固境昔合縻  
之所至芒碭渙渦截其面金隄玉渠累其脊雷  
夏灘沮繞其脇壘丘訾婁夾其腴梁周帝據而  
糜沸唐漢尹統而寧一故此王國襲故不徙恢  
圻甸域尊崇天體司徒制其畿疆職方辨其土  
地前千官而會朝後百揆而爲市分疆十同提  
封萬井舟車之所輻湊方物之所灌輸宏基融  
而壯址植九鼎立而四嶽位仰營域而體極立  
土圭而測晷蜀險漢全荆惑閩鄙惟此中峙不

首不尾限而不迫華而不侈環晞睨於郡縣如  
岫嶠之迤邐觀其高城萬雉埤避移反附也坵  
魚禮反城上墻鱗接繚如長雲之方舒屹若崇  
山之礧蠟碇捷坤靈因巔巔而跼躄土怪畏榨  
詐壓而妥貼靡胥不可縋而登爵鼠不可噉竹  
救而宄利過百二嶮踰四塞鄙秦人之踐華陋  
荊州之却月頓捷步與超足矧蹒跚與蹙蹙闕  
城爲門二十有九瓊扉塗丹金鏞鏤獸列兵連  
卒呵夜警畫異物不入詭邪必究城中則有東  
西之阡南北之陌其衢四達其塗九軌車不理

擊去互人不爭險易劇驂崇期蕩夷如砥雨畢  
而除糞夷第穢行者不馳而安步遺者惡拾而  
恣棄跨虹梁以除病涉列佳木以安怵惕殊異  
羊腸之詰曲或踈於遠反折脚蹠而折轉丁劇  
反車軸頭顧中國之闕闕叢貨幣同而爲市  
議輕重以奠賈古正行戶剛列而平肆竭五都  
之環富備九州之貨賄何朝滿而夕除蓋趨羸  
而去匱萃驛僧於五均擾販夫於百隧次先後  
而置敘遷有無而化滯抑疆賈之乘時摧素封  
之專利售無詭物陳無窳器欲商賈之阜通迺

有廛而不稅銷卓鄭猗陶之殖貨禁乘堅策肥  
之擬貴道無游食以無爲矧敢婆娑而爲戲其  
中則有安邑之棗江陵之橘陳夏之漆齊魯之  
麻薑桂藁穀絲帛布縷鮎紫前啓鮓竹涉鮑上  
釀鹽醢豉或居肆以鼓鑪橐或鼓刀以屠狗彘  
又有翳無問之珣玕會稽之竹箭華山之金石  
梁山之犀象霍山之珠玉幽都之筋角赤山之  
文皮與夫沉沙棲陸異域所至殊形妙狀目不  
給視無所不有不可殫紀若夫帝居宏麗人所  
未聞南有宣德北有拱辰延亘五里百司雲屯

兩觀門峙而竦立罌毳遐望而相吞天河羣神之闕紫微太一之宮擬法象於穹昊敞閭闔而居至尊樸桷不斲素題不斫上圓下方制為明堂告朔朝歷須宣憲章謂之太廟則其中可以叙昭穆謂之靈臺則其高可以觀氛祥後宮則無非負無錄之女佞倖滑稽之臣陋甘泉與楚宮繆延壽與阿房信無益於治道徒竭民而怠荒故今上林仙籞不聞乎鳴蹕甌瓠也歲久而苔蒼其西則有寶閣靈沼魏我泛灩繚以重垣防以曲隄雲屋連移弋支反樓閣邊小屋瓊

欄壓墀池水則溶溶沄沄洋洋湜湜涵潤浥湜瀼瀼瀾且定浩漶弋沼微風過之則瀾泥居六灑仕減瀾仕角漫散洄淀徒練潛潛女立漣漪大風過之則汨湧潄尹入反細涌渠子入反泉出瀹孚爰反大波捺奴太溜音逼湧也沝音仄流也掀鼓漢莫彼溢不見津灤溜同憺舞欄景以斷續樣金碧而陸離恍瀉浯與方壺帝令鬼鑿而神移其中則有菰菹荇蘆菡萏蓮葭何加反荷葉賞蘋蘩居偈反似芹藜如其魚則有鱣鯉鯊鮑蟹力結鮒卑吉鯁鯁魴鱒鯉似立反泥

鰩 鰩呼老反大鰩 鰩 鰩之酉王鰩科斗魁陸龜

蛙同鼃鼃蜃含蜃巨蜃容與去相羊蔭藻衣去

蒲其鳥則有鴨音卑人音匹 鵠 鵠鷓鴣鷓鴣鷓鴣鷓鴣

古肩反鳧也 鷓 古鐸 鷓鴣鷓鴣或作鷓鴣鷓鴣鷓鴣乎

圭 鷓鴣楚雀鷓鴣搏揮霍鷓鴣於鷓鴣鷓鴣才市

反並羣鳥也羣鷓鴣古咸反鳥啄物魯牛起反多

貌啄其木則有櫨所咸櫨枅俾者反櫨梗章綿

反楠楠章延樅七恭櫨櫨檳榔壓柘桑楊梓杞

豫章句科扶疏蔽芾竦尋集弱椅施架枝刺條

條榦蟠根矯躩鱗皴皴同其下則有申葉蘭蒞

芳

芸芝荃蓀髮布絲勻馥郁清芬其氣襲人上芬

欲與百姓同樂大開苑囿凡黃屋之所息鸞輅

之所駐皆得窮觀而極賞命有司無得彈劾也

於時則有絕世之巧凝神之技恍人耳目使人

忘疲是故宮旋室浮艦艦移也蛟螭蜿蜒千橈

渡也虺虎鬻雉力反虎爭聲鬻呼大反有力也

舟抵戲也星流電掣弄丸而揮劍也鸞悲鳳鳴

纖麗歌也鴻驚燕居綽舞也霆震雷動鈞天

作也犇馬風幽反走也駟力薛駟此末羣馬闖

勅蔭也轉匹庚轉呼萌轉力谷輻音磊萬車轍

也灑天翳日揚埽蒲忽塏於蓋也杭山蕩海歡  
 聲同而和氣浹也震委蛇而唬呼交罔象出鮫  
 人而舞馮夷者潛靈幽怪助喜樂也若乃豐廩  
 貫膾既多且富永豐萬盈廣儲折中順成富國  
 星列而綦布其中則有元山之禾清流之稻田  
 原之菽利高之黍利下之稌有藁莫温有芑有  
 秬有秠千箱所運億廩所露入既夥而委積食  
 不給而紅腐如坻如京如崗如阜野無菜色溝  
 無捐瘠擗拾狼戾足以厭鰥夫與寡婦備凶旱  
 之乏絕則有九年之預又將敦本而勸稼開帝

籍之千畝良農世業異物不覩播百穀而克敏  
 應三時而就緒蹠鍤閔灌暇涉劣反兩陌間  
 道也雨霑孰任其勞侯疆侯以千耦其耘不怒  
 自力疏邀其理狼莠不植奄觀堅阜與與蕤蕤  
 溝塍畹畦亘萬里而連繹醜惡不毛磽陁荒瘠  
 化為好時轉名不易惟彼汴水貫城為渠並洛  
 而趨昔在隋葉禊丁大業欲為流連之樂行幸  
 之游故鑿池導水南抵乎揚州生民力盡於畚  
 鍤膏血如水而爭流鳳船音搨徒見於載籍玉  
 骨已朽於高丘顧資治世以為利迄今抗笈而

浮舟桃花候漲竹箭比駛洶湧涵古沒驛羊隻  
反瀉音馮泓胡工沸灑戶封搗普耕反擊聲防  
巖普昧反崩聲岸澆火麥灑許角迅邁匪江匪  
海而朝夕舞乎滂湃普拜掀萬石之巨艚布末  
比坳堂之一芥舵艚不時而相值篙師聽拱而  
俟敗智者不敢睥睨而興作縣千禩而爲害豈  
積患切病待聖人而後除耶厥有建議導河通  
洛引宜禾之清源塞孽華之渾濁蹙廣隄而節  
暴紆直行而殺虐其流舒舒經炎涼而靡涸於  
是自淮而南邦國之所仰百姓之所輸金穀財

帛歲時常調舳舻相銜千里而不絕越舫禽吳

艚槽官艘蘇力賈古舶捕格閩謳楚語風帆雨

揖聯翩方載鉦鼓鏜他當鈴公合人安以舒國

賦應節若夫連營百將帶甲萬伍控弦貫石動

以千數其營則龍衛神勇飛山雄武奉節拱聖

忠靖宣效吐渾金吾擲颺萬勝渤海廣備雲騎

武肅材能蹶張力能挾輶投石超距索鐵伸鉤

水執鼃鼉陸拘羆貅異黨之寇大邦之讎電驚

雷擊莫不繫纆而爲囚於是訓以鸛鵝魚麗之

形格敵擊刺之法剖微中虱貫牢徹札揮鉞市



邪反矛擲錄所革反鎗舉無虛發人則便捷器  
 則犀利金角丹漆脂膠竹木以時取之遴棄惡  
 弱割蛟革以連函劇達各兇格格以為弭刺徒  
 官魚服以懷鍔百工備盡銚所京磨鑿古節削  
 其成鑿鋼而銀五兩鑄胡桂植之霜凝而電爍  
 故有疆衝勁弩雲梯轆昌容車脩鍛椎也延縱  
 七恭反短矛也銚戈允及繁弱之弓肅慎之矢  
 谿子之弩夫差之甲龜蛇之旒烏集之旗軍事  
 蚤正用戒不虞其次則有文昌之府分省為三  
 列寺為九殊監為五左選為文右選為武曰三

十房二百餘案二十四部黜隋之陋更唐之故  
 補弊完罅剔朽焚蠹人夥地溥事若織組滋廣  
 莫治疊疊成蠱纖弱不除將勝戕斧雖離婁之  
 明目迷簿書而莫覩豪胥倚文以鬻獄庸吏瘵  
 官而受侮各懷苟且以逃責孰肯長慮而却顧  
 官有隱事國有遺利紛訟牘於庭祀繫繫累囚於  
 囹圄此浮彼沉甲可乙否操私議而軋於黜沕  
 亡弗各矛盾而齟齬於是合千司之離散儼星  
 羅於一字千梁負棟萬楹鎮楚誅喬松以為煤  
 空奧山而斲楮官有常真取雄材偉器者以充

其數上維下制前按後覆譬如長蛇扶其脊  
而首尾皆赴闔戶而議飛檄乎房闈應答乎秦  
楚披荒榛而成徑繹縛之閨緹扶素反並亂絲  
也而得緒崇善廢醜平險除穢纖悉不遺乎一  
羽於是宣其成式變亂易守者刑之所取貽之  
昆永世作矩至若儒宮千楹首善四方勾襟逢  
掖褒衣博帶盈仞乎其中士之匿華鏟采者莫  
不拂巾衽褐彈冠結綬空巖穴之幽邃出郡國  
之遐陋南金象齒文毛羽翮世所罕見者皆傾  
囊鼓篋羅列而願售咸能湛泳乎道實沛然攻

為

堅而大叩先斯時也 皇帝悼道術之沉鬱患  
詰訓之荒繆諸子騰躑呂振而相角羣言駘大  
來反廣也蕩而莫守黨同伐異此妍彼醜挈俗  
學之蕪穢詆淫辭而擊掎滅奧突於弔之熒燭  
仰天庭而覩晝同源共貫開天發部於是俊髦  
並作賢才自厲造門闡而臻壺奧騁辭源而馳  
辨囿術藝之場仁義之藪溫風扇和儒林發秀  
宸眷優渥皇辭結糾榮名之所作慶賞之所誘  
應感而格駒行雉响磨鈍為利培薄為厚魁梧  
卓行擿鋒露穎不驅而自就復有珮玉之音邊

豆之容絃歌之聲盈耳而溢目錯陳而交奏煥  
 爛乎唐虞之日雍容乎洙泗之風誇百聖而再  
 講曠千載而復覲又有律學以議刑制筭學以  
 窮九九舞象以道幼稚樂德樂語以教世胄成  
 材茂德隨所取而咸有若夫會聖之宮是為原  
 廟其制則般輸之所作其材則匠石之所掄萬  
 指舉築千夫運斤揮汗霏霧吁氣如雲鼙鼓弗  
 勝靡有諗勤赫赫大宇有若山踊而嶙峋下盤  
 黃壚上赴北辰藻珠廣寒黃帝之宮榮光休氣  
 籠曠往來葱葱鬱鬱而氤氳其內則檐栲梁道

榱題采武方反大梁相之仁反屋栳楹栒閔補  
 行反宮中門拱闈闈屏宇閔闈聳張矯踞龍征  
 虎蹲延樓跨空甬道接陳黝於糾反玄黑也聖  
 鳥各反白土也備昡呼古反文彩燦爛詭文菱  
 阿芙蓉之流漫驚波迴連之澗余力減呼逼飛  
 仙降真之縹緲翔鵷鷺鷗之毳毳地必出奇土  
 無藏珍珠琳琅玕璠璣瑤琨流黃丹沙玳瑁翡  
 翠垂棘之璧照夜之蠙鵠象齋角削犀劇玉鏤  
 刻雕鏤其妙無倫焜煌煥赫璀璨輝映繁星有  
 爛彤霞互照軒廡所繪功臣碩輔書太常而銘

鼎尋者環列而趨造龍章鳳姿瑰形瑋貌文有  
伊周武有方召猶如蹇諤以立朝圖寧社稷指  
斤利害踟躕四顧而不撓其殿則有天元太始  
皇武儷極大定輝德熙文衍慶美成繼仁治隆  
之名重瞳隆準天日炳明 皇帝步送百寮拜  
迎九卿三公挾輶扶衡儀仗衛士填郭溢城于  
時黔首颺集百作皆停地震嶽移波翻海傾足  
不得旋耳不得聽神旣安止窮閭微巷惟聞咨  
嗟歎異之聲於是山壘房俎犧樽竹筐踐列於  
兩楹瞽史陳辭宰祝行牲案芻豢之肥臞視物

色之犁解登降裸獻百禮具成至於天運載周  
甲子新曆受朝萬方大慶新闢于時再鼓聲絕  
按稍收鎬儼三衛與五仗森戈矛與及戟探平  
明而傳點趣校尉而唱藉千官鶩列以就次然  
後奏中嚴外辨也撞黃鐘以啓樂合羽扇以如  
翼欣飛道駕以臨座千牛環帝而屏息爐烟旣  
升寶符奠瑞聆乾安之妙音仰天顏而可覲羗  
夷束髮而蹈舞象胥通隔而傳譯宣表章以上  
聞奏靈物之充斥羣臣廼進萬年之觴上南山  
之壽太尉升奠尚食酌酒樂有嘉禾靈芝和安

慶雲舞有天下大定盛德升聞飲食衍衍燔炙  
芬芬威儀孔攝而中度笑語不譁而有文故無  
族譚錯立之洞衆躡廣布武之紛紜蓋天子以  
四海爲宅有百姓而善羣廷內不洒掃而行禮  
則天下雲擾而絲棼故受玉而惰知晉惠之將  
卒執幣以傲知若敖之不存聞樂而走者爲金  
奏之下作雖美不食者爲犧象之出門賦湛露  
彤弓而武子不敢答奏肆夏大明而穆子不敢  
聞蓋禮樂之一缺則示亂而昭昏是以宣王享  
士貴以殺烝而刑三晉之法高祖因叔孫之制

之

色之犁解登降裸獻百禮具成至於天運載周  
甲子新曆受朝萬方大慶新闢于時再鼓聲絕  
按稍收鎬儼三衛與五仗森戈矛與及戟探平  
明而傳點趣校尉而唱藉千官驚列以就次然  
後奏中嚴外辨也撞黃鐘以啓樂合羽扇以如  
翼欣飛道駕以臨座千牛環帝而屏息爐烟旣  
升寶符奠瑞聆乾安之妙音仰天顏而可覲羗  
夷束髮而蹈舞象胥通隔而傳譯宣表章以上  
聞奏靈物之充斥羣臣廼進萬年之觴上南山  
之壽太尉升奠尚食酌酒樂有嘉禾靈芝和安

慶雲舞有天下大定盛德升聞飲食衍衍燔炙  
芬芬威儀孔攝而中度笑語不譁而有文故無  
族譚錯立之洞衆躡廣布武之紛紜蓋天子以  
四海爲宅有百姓而善羣廷內不洒掃而行禮  
則天下雲擾而絲棼故受玉而惰知晉惠之將  
卒執幣以傲知若教之不存聞樂而走者爲金  
奏之下作鉅美不食者爲犧象之出門賦湛露  
彤弓而武子不敢答奏肆夏大明而穆子不敢  
聞蓋禮樂之一缺則示亂而昭昏是以宣王享  
士貴以穀烝而刑三晉之法高祖因叔孫之制

而知爲帝之尊豈治朝之禮物尚或展翳而沉  
湮此所以舉墜典而定彝倫者也其樂則有咸  
池承雲九韶六英采齊肆夏簫韶九成神農之  
瑟伏羲之琴倭氏之鍾無句之磬鏗鏗鏗鏗戶  
曹和氣薰蒸于以致祖考之格于以廣先王之  
聲音王道旣弱淳風變澆樂器遭鄭衛而毀矇  
瞽適秦楚而逃朝廷慢金石之雅正諸侯受歌  
管之嗷嘈文侯聽淫聲而忘倦桓公受齊樂而  
輟朝季子始無譏於鄆仲尼迺忘味於韶故使  
制度無考中聲浸消非細則擷胡化非單則高



得巨獒於西旅非威靈之遐暢孰能出瑰竒於  
深阻蓋徼外能率夾種來以修好則中土當有  
聖人出而寧宇然 皇帝不寶遠物不尚殊觀  
抵金於嶰巖之山沉玉於五湖之川洞剽之劍  
迺入騎士之鞘齧邾之馬或服鼓車之轅至於  
乾象表貺坤維薦祉靈物仍降嘉生屢起暈適  
背鑄虹蜺抱珥鳴星隕石怪飈變氣垂白鮐背  
者不知有之况能言孺倪豈獨此而已也復有  
穹龜負圖龍馬載文汾陽之鼎函德之芝肉角  
之獸簫聲之禽同穎之禾旅生之穀游郊栖庭

充畦冒時非煙非雲蕭索輪困映帶乎闕角葱  
蔚乎城壘鷲鳥不攫猛獸不噬應圖合謀窮祥  
極瑞史不絕書歲有可紀發微子於是言曰國  
家之有若是歟意者先生快意於吻舌而及此  
耶先生曰國家之盛烏可究悉雖有注河之辯  
折角之口終日危坐抵掌而譚猶不能旣其萬  
一此特汴都之治迹耳子亦知夫所以守此汴  
都之術古昔之所以興亡者乎客曰願聞之先  
生曰繫此寰宇代狹代廣更張更弛黃帝都涿  
鹿而是爲幽州少昊都窮桑迺今魯地伏犧都



陳帝譽都亳堯都平陽迺若昊天而授人時舜  
都蒲阪迺覲羣后而輯五瑞公劉處豳而兆王  
業之所始大王徙邠者以避狄人之所文王作  
鄴方蒙難而稱仁武王治鎬復戎衣而致乂蓋  
周有天下三百餘年而刑措不用及其衰也亦  
三百餘年而五伯更起星離豆割各據穀兵以  
專列疆侯脇帶於弱國不領人君之經費天下  
日蹙而日裂中國所有者無幾當時權謀爲上  
雌雄相噬孰有長距孰有利觜兵孰先選糧孰  
夙峙孰有翹關之卒孰有憑軾之士孰有素德

孰有疆倚孰欲報惠孰欲雪耻或奉下邑以賂  
讎或舉連城而易器骸骨布野介冑生蟻肘血  
丹輪馬鞍銷髀勢成莫格國墟人鬼噫彼士宇  
凡幾吞而幾奪幾完而幾弛秦中形勢之國加  
兵諸侯如高屋之建瓴水神臯天邑以先得者  
爲上計其他或左據函谷右界褒斜號爲百二  
之都東有成臯西有嶠澗定爲王者之里以至  
置春陵之俠客興泗上之健吏扼襟控咽屏藩  
表裏名城池爲金湯役諸侯爲奴隸拓境斥地  
輜輳荒裔東包蟠木西卷流沙北繞幽陵南裹

交趾厥後席治滋永泰心益侈或慢守以啓戎  
 或朋淫而招究橫調無藝而垂竭游役不時而  
 就斃盧令日縱而不繼驚翻厭觀而常值睚眦  
 則覆尸而流血愉悅則結纓而珮璫粉墨雜糅  
 賢才逆曳腫微駭黏而竊肉食賊臣迴穴而圖  
 大器郡國制節侯伯方軌或為大尾而不掉或  
 為重脰而屢躓室有丹楹城有百雉朝廷無用  
 於揚燎冠冕不抗於執贄天維披裂地軸杌隉  
 羣生夔焦同難然同而殄瘁雖有城池周以鄧  
 林縈以天漢曳輦可以陟崇巘設秬可以濟深

水故武侯浮西河而下自哆其地而進戒於吳  
 起蓋秣政肆於廟堂之上則敵國起於蕭牆之  
 裏奚問左孟門而右大行左洞庭而右彭蠡發  
 微子曰天命有德主此四方如輻之拱轂如桶  
 之會極其硃口黠反堅也鞏者天與之昌其闢  
 於可矧力可者天與之亡且非易之所能壞亦  
 非險之所能藏非愚之所能弱亦非賢之所能  
 疆故將吞楚也白蛇首斷於大澤將繼劉也雄  
 雉先離於南陽龍聚力之出犢而壓弧隱亡周  
 之語蓐收襲門而天帝貽刑虢之殃人力地利

信不能偃植而支什而皆聽乎彼蒼故鯨鯢勸  
薄解反勦苦侮反惡怒決一死於吻血兕虎鬪  
匹賓反鬪也關式旨反踐巍嶽爲平崗蹂生靈  
如蹋塊簸天下如揚糠其敗也抉目而折骨其  
成也頂冕而垂裳由此觀之土地足以均沛澤  
而施靈光而已易險非所較賢否亦未可議也  
先生曰以易險非所較者固已乖矣以賢否非  
議者烏乎可哉客不聞王公設險以守其國有  
德則昌者乎地欲得險勢欲參德迫隘卑陋則  
無以容萬乘之扈從供百司之廩餼據偏守隅

則無以限四方之貢職平道理之遠邇撫原申  
區割宅製里走八極而奔走正南面而負宸舉  
天下於康達力士體僵而不敢取貪夫汗縮而  
不敢睨者恃德之險也襟馮終南太華之固背  
負清渭濁河之注搯人之吭而拊人之脊一日  
有變而萬卒立具然而布衣可以窺隙而試勇  
匹夫可以爭行而號呼彼天府之衍沃適爲人  
而保聚此以地爲險者也地嚴德暢然後爲神  
造之域天設之險大哉 炎宋帝眷所矚而此  
汴都百嘉所毓前無湍激旋淵吕梁之絕流後

無太行石洞孤飛句望浚深之岩谷豐樂和易  
 殊異四方之俗兵甲士徒之湏好賜匪頒之用  
 廟郊社稷百神之祀 天子奉養羣臣稍廩之  
 費以至五穀六牲魚鼈鳥獸闔國門而取足甲  
 不解纍刃不離鞬秉鉞匈奴而單于奔幕抗旌  
 西燹而舟隴莫江螳伏南夷散徒黨而入質朝  
 鮮畏菹醢而修睦解編髮而頂文弁削左衽而  
 曳華服逆節躑躅而取禍者折簡呼之而就戮  
 耽耽帝居如森鋌音堤利錐之外向死士逡巡  
 而莫觸仁風冒於海隅頌聲溢乎家塾伊昔天

下玷危王猷失度皇綱解紐嗥豺當路帝懷寶  
 曆未知所付可受方國莫越 藝祖圖緯協期  
 謳謠扇儒赤子雲望而風靡英雄螽趯而蠅附  
 玉帛駿奔者萬國冠冕充塞乎寰宇絕塞稅鎧  
 而免鞬胄同障壘熄燹而摧櫓拜搢神威有此  
 萬旅奕世載德蔑聞過舉髮櫛禾耨子攜稚哺  
 擊菓懋穗疏惡鑿媮鉞五戈觚角之磬初湛反  
 刻荆扶勿反撓仕御反搶音鋸而牧圉爰暨  
 皇帝粉飾朴質稱量織鉅鎗鎗奏廟之金玉璨  
 璨夾楹之簠簋訓典嚴密財本豐阜刑罰糾虔

布施優裕田有願耕之農市有願藏之賈草竊  
還業而歛迹大道四通而不敷徒古反塞也車  
續馬連千百爲羣肩輿捆載前卻而後跂才與  
反壤歌号者萬井未聞歐於利反聲不平嘍於  
求反氣逆而告瘡雖立墳爲界其誰敢擣子藥  
反捫也膊而批髀况此汴都者乎抑又有天下  
之壯客未嘗覩其輿也且宋之初營是都也  
上睇天時下度地制中應人欲測以聖智建以  
皇極基以賢傑限以法士垣以大師屏以大邦  
扞以公侯城以宗子以義爲路以禮爲門鍵鑰

以柄開闔以權掃除以政問畏以恩迺立室家  
以安吾君有庭其栢社稷臣也有槌其楠衆材  
會也有闡孔張通厥明也有牖孔陽達厥聰也  
其檻如衡前有憑也其壁如削後有據也其陛  
則崇止陵踐也其極則隆帝居中也邑都旣周  
宮室旣成於是上意自足迺駕六龍乘德輿光  
警蹕由黃道馳騁乎書林下觀乎學海百姓欣  
躍莫不從屬車之塵而前邁妙技皆作見者膽  
碎迺使力士提挈乎陰陽搏徒桓扼於煥乎剛  
柔應乎成器方圓微碩或粉或由隨意所裁上

方咀嚼乎道味斟酌乎聖澤而意猶未快又欲  
浮槎而上窮日月之盈昊尋天潢之流派操執  
北斗之柄按行二十八壘之次奪雷公之枹收  
風伯之鞞一瞬之間而甘澤霽霑囚李慧於幽  
獄敷景雲而黯靄統攝陰機與帝唯諾而無闕  
如此淫樂者十有七年疲而不止諫而不改吾  
不知大王之用心但聞夫童子之歌曰孰爲我  
已孰矜我載茫茫九有莫知其界客廼覩覩音  
眩然驚拳拳然謝曰非先生無以刮吾之矇藥  
吾之贖臣不能究 皇帝之盛德謹再拜而退

古詩

詠史

鮑明遠

五都矜財雄三川何洛伊養聲利百金不市死  
明經有高位京城十二衢飛薨各鱗次仕子影  
華纓遊客竦輕轡明星晨未稀軒蓋已雲至賓  
御紛颭香鞍馬光照地寒暑在一時繁華及春  
媚君平獨寂寞身世兩相棄







